

gsalesg sagmasgocoei Mali ag mset oasôg eigig teli gsalesgig tli gsalnan !

*Gisi gisgatpasin tan teli alamestigemg, tli alasotma :*

Nsesosem, tanog ogsegeogpitesg ngamlamong ? tanog pismoetoitesg ? tjiptog oigoptjig ogsegeogoitjalisepen ! Nigetj tóg pismoetoi tesig ngamlamong ; nogotj oaigôogsi ntinin. Oeli ogsagmami, etjelitelsi gpisgoan ntlamiteg, sig tóg neogt gelosi, ntjitjagamitj nseteo.

Teli gisgatjein motgolpogoasi oli patalotigtog, sagangato gpitenel, gôgoatgoetoten, metj sgato nisapasinel taoltenasi ag gitjgatj sagelnoasi ; gisi getagmôtelneg osgitjipeneg ôgôlômgoasi, gepmi msato, ntôgo mitatogoel motgolpogoasi natji moioalet Oestaolg.

*Gisi gemnieoimg teli alasotmamg.*

Melgi getlamsetem, Nsesosem, tan tesin gpisin ntlamiteg. Gegtog, agai ! mesgig, Nsagmam Nisgam, teleioip : ola ôgotj etli mitjisotelisep gtinin, Nsesosem, tan teli olsemisep, Nsagmam, tan teli oloigepalisep, nsema pegoa-toig nmesigon goli pagi ginoato-in tan tetotji peoatem gmoioalnin. Asimig ngamlamon no-leoiston gtiningel, mset ntlamiteg eigel asimigel ntiali mseta agnotemen teli msegig apetemoagan gisgog oetjatoep goli patalotimigtog. Ma poni eo : Nisgam, gesaln, mset gôgoel patjitjio gsal-nanel.

Gesg nigetj, Nsagmam, ntlamiteg eimen, gesg nigetj mestanin ag nin eoletji, colitelmin gtig-nemoin elp gmestanolin, alasomol pgoatetemoi tan nigetj gtininigtog oetji gtoi peogtaoalseosi.

*Temg*, Nisgam, etamol gtetjigelato-in tan getjton nepaig eloeoti ; ntôgo ogtji ogtogoitan notapsin tan getjigeo teli olalip, nemitoan ntesi pepseiaagon tan siaoio lnim eogsami oini pepseioig (getj na...) ; na tóg, Nisgam, mo nogotj npegoatagon gogoaiolin, gtanatelmin.